

ხელშეკრულება სახელმწიფო შესყიდვის შესახებ №88

(მომსახურების შესყიდვა)

ქალაქი ფოთის მუნიციპალიტეტი

11 ივლისი 2016 წელი

1. ხელშეკრულების მხარეები და შესყიდვის სამართლებრივი საფუძვლები

1.1. ერთის მხრივ, ქალაქ ფოთის მუნიციპალიტეტი (შემდეგში „შემსყიდველი“), წარმოდგენილი ქალაქ ფოთის მუნიციპალიტეტის ვიცე-მერის, მერის მოვალეობის შემსრულებლის ლევან ჩოჩიას სახით და მეორეს მხრივ, შპს „ტურინვესტი“ (სასტუმრო Hilton Batumi), მისი გენერალური მენეჯერის სტიუარტ ნელსონის სახით, შემდეგში „მიმწოდებელი“ - სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანების „გამარტივებული შესყიდვის კრიტერიუმის განსაზღვრისა და გამარტივებული შესყიდვის ჩატარების წესის“ მე-3 მუხლის პირველი პუნქტის „ვ“ ქვეპუნქტის და ქალაქ ფოთის მუნიციპალიტეტის მერის 2016 წლის 8 ივლისის №554 ბრძანების შესაბამისად, მხარეებს შორის მიღწეული შეთანხმების გათვალისწინებით, დებენ სახელმწიფო შესყიდვების შესახებ ხელშეკრულებას (შემდგომში „ხელშეკრულება“).

2. ხელშეკრულების ობიექტის დასახელება, კლასიფიკატორის კატეგორია

- 2.1 ობიექტის დასახელება –სტუმრის დაბინავების მომსახურების შესყიდვა (დანართი N1).
- 2.2 შესყიდვის საშუალება – გამარტივებული შესყიდვა.
- 2.3 კლასიფიკატორის (CPV) კოდი და კლასიფიკატორის დანაყოფი – 55100000 - სასტუმროს მომსახურება.
კლასიფიკატორის (CPV) კოდი და შესყიდვის კონკრეტული ობიექტი – 55110000 - სასტუმროში დაბინავების მომსახურება.

3. ხელშეკრულების ღირებულება

- 3.1 შესყიდვის ობიექტის ღირებულება შეადგენს 141,60 USD (ექვივალენტი ეროვნულ ვალუტაში მიმდინარე პერიოდისთვის) დოლარი, საქართველოში მოქმედი კანონმდებლობით გათვალისწინებული გადასახადების ჩათვლით.
- 3.2 დაფინანსების წყარო - ქალაქ ფოთის მუნიციპალიტეტის 2016 წლის ადგილობრივი ბიუჯეტის სახსრები.

4. შესყიდვის ობიექტის მიწოდების ვადები და პირობები

- 4.1 მომსახურების გაწევა განხორციელდება 2016 წლის 14-15 ივლისს.
- 4.2 შესყიდვის ობიექტის მიწოდების პარალელურად, მიმწოდებელი ვალდებულია წარუდგინოს შემსყიდველის უფლებამოსილ პირს, შესაბამისი დოკუმენტაცია (მიღება-ჩაბარების აქტი, ანგარიშ-ფაქტურა და სხვა).

5. ხელშეკრულების შესრულების გარანტია

5.1 შესყიდვის ობიექტის ხარისხი უნდა აკმაყოფილებდეს ამ სფეროში არსებულ, საქართველოში მოქმედ სტანდარტებს, ხელშეკრულების პირობებს და შემსყიდველის მიერ განსაზღვრულ მოთხოვნებს.

6. ხელშეკრულების კონკრეტული მოქმედების ვადა

6.1 ხელშეკრულების კონკრეტული მოქმედების ვადა განისაზღვრება, ხელშეკრულების ხელის მოწერის დღიდან და მოქმედებს 2016 წლის 31 აგვისტოს ჩათვლით.

7. შესყიდვის ობიექტის ანგარიშსწორების ფორმა და მიღება-ჩაბარების წესი

- 7.1 შესყიდვის ობიექტის მიღება ფორმდება მიღება-ჩაბარების აქტის საფუძველზე. მიღება-ჩაბარების აქტს ხელს აწერს ქალაქ ფოთის მუნიციპალიტეტის მერი.
- 7.2 მიმწოდებელთან ანგარიშსწორება განხორციელდება - ლარებში.
- 7.3 შესყიდვის ობიექტის მიწოდების ღირებულების ანაზღაურება მოხდება უნაღდო ანგარიშსწორებით – (გადარიცხვა).
- 7.4 ანგარიშსწორება შემსყიდველის მიერ მოხდება გაწეული მომსახურების მიღება-ჩაბარების აქტის გაფორმებიდან არაუმეტეს 10 (ათი) საბანკო დღის განმავლობაში.

8. ფორს-მაჟორი

- 8.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და სამხარი მოქმედებები, ადგილობრივი ბიუჯეტის დეფიციტი, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.
- 8.2 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 9.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების კონტროლი

- 10.1 შემსყიდველ ორგანიზაციას უფლება აქვს ხელშეკრულების პირობების შესრულების კონტროლი დაავალოს თანამშრომელს ან თანამშრომელთა ჯგუფს.

- 10.2 ამ მუხლის პირველი პუნქტით გათვალისწინებული პირების ფუნქციაა მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა.
- 10.3 ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე. ხელშეკრულების შესრულების კონტროლს შემსყიდველის მხრიდან განახორციელებს ქალაქ ფოთის მუნიციპალიტეტის მერიის ადმინისტრაციული სამსახური.

11. სხვა პირობები

- 11.1 ხელშეკრულება შედგენილია ქართულ ენაზე, 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან ერთი – მიმწოდებელთან, ორი - შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 11.2 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.
- 11.3 აღნიშნული ხელშეკრულებით გათვალისწინებული საკითხები რეგულირდება მოქმედი კანონმდებლობით.

12. მხარეთა იურიდიული მისამართები და რეკვიზიტები

„შემსყიდველი“

ქალაქ ფოთის მუნიციპალიტეტი

მის: ქ. ფოთი, დ. აღმაშენებლის ქ. №12

ს/კ № 215138143

ქალაქ ფოთის მუნიციპალიტეტის ვიცე-მერი,
მერის მოვალეობის შემსრულებელი
ლევან ჩოჩია



„მიმწოდებელი“

შპს „ტურიზმსტი“
სასტუმრო Hilton Batumi

ფაქტ.მის: ქ.ბათუმი 6000, რუსთაველის ქ.№40
სს „ვითიბი ბანკი“
ა/ა GE 61VT 5500000000343605; ბ/კ UGEBGE22

ს/კ №245555554

გენერალური მენეჯერი
სტიუარტ ნელსონი

სასტუმროს მომსახურების ფასების ცხრილი

№	მომსახურების დასახელება	ნომრების რაოდენობა (ღამე)	სულ ღირებულება	მოწოდების ადგილი
1	სტუმრის დაბინავების მომსახურება	1	141,60	ქალაქ ფოთის მუნიციპალიტეტი
	სულ		141,60 დოლარი (ექვივალენტი ლარში)	

„შემსყიდველი“

ქალაქ ფოთის მუნიციპალიტეტი

„მიმწოდებელი“

შპს „ტურიზესტი“
სასტუმრო Hilton Batumi

ქალაქ ფოთის მუნიციპალიტეტის ვიცე-მერი
მერის მოვალეობის შემსრულებელი
ლევან ჩოჩია

გენერალური მენეჯერი
სტიუარტ ნელსონი

დამოწმებულია
ქალაქ ფოთის მუნიციპალიტეტის მერიის
ადმინისტრაციული სამსახურის უფროსი

ზვიად შუბითიძე

ქალაქ ფოთის მუნიციპალიტეტის მერს
ბატონ ირაკლი კაკულიას

ქალაქ ფოთის მუნიციპალიტეტის
მერიის ადმინისტრაციული სამსახურის
უფროსის ზვიად შუბითიძის

მოხსენებითი ბარათი


გაცნობებთ, რომ 2016 წლის 14-15 ივლისს ქალაქ ბათუმში იმართება რიგით მე-13 საერთაშორისო კონფერენცია "საქართველოს ევროპული გზა" სადაც მიწვეულია ქალაქ ფოთის მუნიციპალიტეტის ვიცე-მერი ბატონი ლევან ჩოჩია.

ზემოთხსენებულ კონფერენციასთან დაკავშირებით მიზანშეწონილია ქ. ფოთის მუნიციპალიტეტის მერიის წარმომადგენლობითი ხარჯის მუხლიდან გამოიყოს სასტუმრო Hilton Batumi-ში დაბინავებისთვის 141.60 USD (ექვივალენტი ეროვნულ ვალუტაში მიმდინარე პერიოდისთვის).

გთხოვთ, დაავალოთ ქალაქ ფოთის მუნიციპალიტეტის მერიის შესაბამის სამსახურებს, გაატარონ საჭირო ღონისძიებები.

ზვიად შუბითიძე —
სამსახურის უფროსი

დ. 14 მაისი





საქართველოს სახელმწიფო მინისტრის მოადგილე
ევროპულ და ევროატლანტიკურ სტრუქტურებში
ინტეგრაციის საკითხებში

04/1915

03.06.2016

ქალაქ ფოთის ვიცე-მერს
ბატონ ლევან ჩოჩიას

ბატონო ლევან,

მაქვს პატივი მოგიწვიოთ ა.წ. 14-15 ივლისს, ქ. ბათუმში დაგეგმილ რიგით მე-13 საერთაშორისო კონფერენციაზე „საქართველოს ევროპული გზა“, რომლის ორგანიზებას ახორციელებს ჩვენი აპარატი გლობალური უსაფრთხოების ფორუმთან (GLOBSEC) პარტნიორობით.

კონფერენცია მიეძღვნება საქართველო-ევროკავშირის თანამშრომლობის ისეთ მნიშვნელოვან საკითხებს, როგორიცაა ასოცირების შესახებ შეთანხმებისა და მისი კომპონენტის, ღრმა და ყოვლისმომცველი თავისუფალი სავაჭრო სივრცის განხორციელება, სავიზო რეჟიმის ლიბერალიზაციის პროცესი, სამეზობლო პოლიტიკა, ევროკავშირისა და მის აღმოსავლეთ სამეზობლოში უსაფრთხოების გამოწვევები, მათ შორის სტრატეგიული კომუნიკაციის გაძლიერების მნიშვნელობა.

კონფერენციაში მონაწილეობას მიიღებენ ევროკავშირისა და „აღმოსავლეთ პარტნიორობის“ წევრი ქვეყნების, ევროკავშირის ინსტიტუტებისა და საქართველოს აღმასრულებელი და საკანონმდებლო ხელისუფლების მაღალი რანგის წარმომადგენლები, ასევე არასამთავრობო ორგანიზაციები და ბიზნეს წრეები.

კონფერენციის მნიშვნელობიდან გამომდინარე, მსურს შემოგთავაზოთ სიტყვით გამოსვლა.

გთხოვთ, დაგვიდასტუროთ კონფერენციაში მონაწილეობა ა.წ. 10 ივნისამდე შემდეგ მისამართზე: conference@eu-nato.gov.ge

დანართი: კონფერენციის პროგრამის პროექტი

პატივისცემით,

მარიამ რაქვიაშვილი



ს ა ქ ა რ თ ვ ე ლ ო

ქალაქ ფოთის მუნიციპალიტეტის მერის

ბ რ ძ ა ნ ე ბ ა № 554



ქ. ფოთი

„08“ ივლისი 2016 წ.

საერთაშორისო კონფერენციაზე „საქართველოს ევროპული გზა“, ქალაქ ფოთის მუნიციპალიტეტის ვიცე - მერის ვიზიტთან დაკავშირებით გასატარებელი ღონისძიებების შესახებ.

2016 წლის 14-15 ოქტომბერს, ქალაქ ბათუმში დაგეგმილია რიგით მე-13 საერთაშორისო კონფერენცია „საქართველოს ევროპული გზა“. კონფერენციის ორგანიზებას გლობალური უსაფრთხოების ფორუმთან პარტნიორობით ახორციელებს ევროპულ და ევროატლანტიკურ სტრუქტურებში ინტეგრაციის აპარატი. აღნიშნულ კონფერენციაზე მიწვეულია ქალაქ ფოთის მუნიციპალიტეტის ვიცე - მერი.

„საქართველოს საბიუჯეტო კლასიფიკაციის დამტკიცების თაობაზე“ საქართველოს ფინანსთა მინისტრის 2010 წლის 25 აგვისტოს N672 ბრძანების შესაბამისად, წარმომადგენლობითი ხარჯები გულისხმობს, როგორც საქართველოს მოქალაქეებზე გაწეულ წარმომადგენლობით ხარჯებს, აგრეთვე, იმავე ღონისძიების ფარგლებში უცხოელ სტუმრებზე გაწეულ ხარჯებსაც. აღნიშნული კატეგორია მოიცავს მიღებასა და სხვა ღონისძიებებს, სუვენირების შეძენა/დამზადებას, სხვა დანარჩენ წარმომადგენლობით ხარჯებს.

ზემოხსენებული ვიზიტის ორგანიზებასთან დაკავშირებით, მიზანშეწონილია ქალაქ ფოთის მუნიციპალიტეტის 2015 წლის ადგილობრივი ბიუჯეტის, ქალაქ ფოთის მუნიციპალიტეტის მერიის წარმომადგენლობითი ხარჯის მუხლიდან, გამოიყოს თანხა 350,00 (სამასორმოცდაათი) ლარი, კერძოდ: სტუმრების სასტუმროთი უზრუნველყოფის მიზნით.

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „ე).ე). ქვეპუნქტის და სახელმწიფო შესყიდვების სააგენტოს თავმჯდომარის 2011 წლის 17 აგვისტოს N13 ბრძანების „გამარტივებული შესყიდვის კრიტერიუმის განსაზღვრისა და გამარტივებული შესყიდვის ჩატარების წესის“ მე-3 მუხლის პირველი პუნქტის „ვ“ ქვეპუნქტის შესაბამისად,

ვ ბ რ ძ ა ნ ე ბ ა:

1. ქალაქ ფოთის მუნიციპალიტეტის 2016 წლის ადგილობრივი ბიუჯეტის, ქალაქ ფოთის მუნიციპალიტეტის მერიის წარმომადგენლობითი ხარჯის მუხლიდან, გამოიყოს თანხა 350,00 (სამასორმოცდაათი) ლარი, კერძოდ: სტუმრების სასტუმროთი უზრუნველყოფის მიზნით.
2. ქალაქ ფოთის მუნიციპალიტეტის მერიის შესყიდვებისა და საბუღალტრო სამსახურის შესყიდვების განყოფილებამ აღნიშნული ბრძანების პირველ პუნქტში მითითებული მომსახურების გამარტივებული შესყიდვის საშუალებით შესყიდვასთან დაკავშირებით, მოამზადოს სახელმწიფო შესყიდვების შესახებ ხელშეკრულება და გაატაროს სათანადო ღონისძიებები.

3. ქალაქ ფოთის მუნიციპალიტეტის მერიის შესყიდვებისა და საბუღალტრო სამსახურის საბუღალტრო განყოფილებამ, აღნიშნული მომსახურების შესყიდვასთან დაკავშირებით, ქალაქ ფოთის მუნიციპალიტეტის მერიის ადმინისტრაციული სამსახურის მიერ წარმოდგენილი მიღება - ჩაბარების აქტისა და სათანადო დოკუმენტაციის შესაბამისად, მოამზადოს საბუღალტრო დოკუმენტაცია შემდგომში თანხის გადასარიცხად.

4. ქალაქ ფოთის მუნიციპალიტეტის მერიის საფინანსო - საბიუჯეტო, ეკონომიკური განვითარებისა და ქონების სამსახურმა უზრუნველყოს ანგარიშსწორება ქალაქ ფოთის მუნიციპალიტეტის მერიის შესყიდვებისა და საბუღალტრო სამსახურის მიერ წარმოდგენილი საბუღალტრო დოკუმენტაციის შესაბამისად.

5. ბრძანება ძალაშია ხელმოწერისთანავე.

ქალაქ ფოთის მუნიციპალიტეტის მერი



საფუძველი: „საქართველოს საბიუჯეტო კლასიფიკაციის დამტკიცების თაობაზე“ საქართველოს ფინანსთა მინისტრის 2010 წლის აგვისტოს N672 ბრძანება და „სახელმწიფო შესყიდვების შესახებ“ საქართველოს კანონი. ქალაქ ფოთის მუნიციპალიტეტის მერიის ადმინისტრაციული სამსახურის 2016 წლის 5 ივლისის Nშ/424 მოხსენებითი ბარათი.

ბრძანება ეგზავნება: საქმის წარმოების განყოფილებას, ქალაქ ფოთის მუნიციპალიტეტის მერიის შესყიდვებისა და საბუღალტრო სამსახურს (ორი ეგზემპლარი), ქალაქ ფოთის მუნიციპალიტეტის მერიის საფინანსო - საბიუჯეტო, ეკონომიკური განვითარებისა და ქონების სამსახურს.

შემსრულებელი

შემსრულებელი ქალაქ ფოთის მუნიციპალიტეტის მერიის შესყიდვებისა და საბუღალტრო სამსახური

2-10002